



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Broj: 01-5-12-4-293/26

Datum: 24.02.2026.

PREDMET: Poziv za dostavljanje ponude za uslugu izgradnje, opremanja, transport, montaže i demontaže štanda za bh. izlagače na sajmu Eurosatory. 15.06. - 19.06.2026, Pariz (Francuska)

Poštovani,

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizira izlaganje bh. kompanija iz oblasti namjenske industrije na sajmu Eurosatory 2026, koji će se održati u Parizu (Francuska), u periodu od 15.06.-19.06.2026.godine.

S tim u vezi VTK/STK BiH je zakupila prostor za izlaganje u hali 4 od 72 m² (tri strane otvoren štand), plan hale i skicu prostora dostavljamo u prilogu.

Za izlaganje na zakupljenom prostoru u organizaciji VTK/STK BiH prijavljene su sljedeće kompanije iz Bosne i Hercegovine:

1. **Igman Konjic** (www.igman.co.ba) - proizvodni program: municija (9x19mm, 5.56x45mm, 7,62x51mm, 7,62x54R, 7.62x39mm, 12.7x108mm), koji će izlagati na sajmu
2. **Unis Ginex Goražde** (www.ginex.com.ba) – proizvodni program: sve vrste udarnih kapsili za streljačku municiju, inicijalne kapsile duplex i detonatorske kapsile, elektro - zapaljive glavice, pripale, različite vrste inicijalnih eksploziva i hemikalija (predstaviti će se kataloški)
3. **Pretis Vogošća** (www.pretis.ba) - žele izlagati: projekte 155 mm HE M107, minobacačke mine, tenkovska municija 125 mm;
4. **Tehnički Remont Bratunac** (www.trb.ba) – žele izlagati: makete upaljača (set), maketa despot, maketa vihor, interni model poluautomatskog pištolja RS9 (bez funkcije);
5. **Binas Bugojno** (www.binas.ba) – proizvodni program: upaljači za minobacačku, artiljerijsku i raketnu municiju, metak 40 mm
6. **BNT Tvornica mašina i hidraulike** (www.bnt-tmh.ba) proizvodni program: minobacači haubice tenkovski, protivtenkovski i avionski topovi (predstaviti će se kataloški);
7. **Pobjeda Technology Goražde** (www.pobjeda-technology.ba) proizvodni program: sportska, lovačka i privredna municija.

Zbog ograničenosti prostora za izlaganje po prijavljenoj kompaniji u okviru kolektivnog štanda bh. izlagača, molimo da dostavite ponude za uređenje štanda koje će uključivati funkcionalne elemente za izlaganje izložbenih eksponata gore navedenih firmi, a shodno njihovim proizvodno / izvoznim asortimanima (voditi računa o teškim izlagačkim elementima).

Svaka od kompanija treba imati info pult sa istaknutim nazivom firme uz logo znak, barsku stolicu, stol sa četiri stolice, utičnicu za el. energiju, police (prostor) za izlaganje svojih eksponata, uz osvjetljenje uzoraka. Reklamna grafika kompanija (ukoliko je predviđena idejnim rješenjem), biće dostavljena od strane kompanija.

Dio štanda predviđen za organizatora VTK/STK BiH, treba sadržavati info pult (sa logom VTK/STK BiH), sa dvije barske stolice. Na izlagačkom prostoru bi se trebao nalaziti TV (plazma), koji će prikazivati promotivna videa kompanija.



Također, na prostoru za izlaganje potrebno je izgraditi posebnu prostoriju za održavanje sastanaka u kojoj će biti stol sa četiri stolice i drugi TV (plazma), poželjno bi bilo da prostorija za sastanke bude u staklu radi atraktivnijeg izgleda štanda, kao i da se izgradi ostava sa vratima i ključevima, kafe aparatom, vješalicama, te korpom za otpad. Izlagački prostor bi trebao biti prekriven laminatom. Posebnu pažnju potrebno je posvetiti kvalitetnom osvjetljenju štanda i eksponata kao i reklamnoj grafici kako kompanija tako i bh. namjenske industrije u cjelini.

Kompletan izlagački prostor treba osmisliti da, na što bolji način, promovira namjensku industriju Bosne i Hercegovine, te istaknuti obilježja države i nazive i logo znakove organizatora i kompanija.

U skladu sa navedenim Vanjskotrgovinska/Spoljnotrgovinska komora Bosne i Hercegovine, poziva Vas, da dostavite ponudu štanda sa detaljnim stavkama u ponudi, vezano za korištene materijale štanda (čvrsti materijali ne oktanorm sistem), kao i ostale usluge koje su sastavni dio ponude.

1. SADRŽAJ PONUDE

1. Ponuđač je dužan dostaviti kopiju Rješenja o registraciji kompanije, iz koje se vidi da je kompanija registrirana za obavljanje djelatnosti pod rednim brojem;
 - a. 82.30 – Organizacija sastanaka i poslovnih sajmova, a ona po NKD klasifikaciji uključuje organizaciju, promociju i vođenje događaja kao što su poslovni i trgovački sajmovi, kongresi, konferencije i sastanci, sa ili bez usluga osoblja za provedbu i opremanje (sajamskog) proctor.
2. Idejno rješenje/dizajn/nacrt štanda (3D prikaz cjelokupnog izgleda štanda) iz kojeg se vidi da je štand osmišljen na način da predstavlja cjelokupnu namjensku industriju BiH i sve dodatne elemente već navedene gore.
3. U ponudi odvojeno naglastiti troškove postavke visećeg elementa.
4. Specifikacija materijala koji su korišteni (izgradnja štanda mora bazirati na čvrstoj gradnji (iverica ili regips paneli), a ne na oktanorm sistemu)
5. Montažu, demontažu i prijevoz štanda.
6. Dovođenje zakupljenog prostora štanda u prvobitni oblik koji je opremaš preuzeo od organizatora sajma.
7. Specificirati dodatnu opremu koja je uključena u cijenu.

2. PODNOŠENJE I OTVARANJE PONUDA

Ponudu obrađenu u skladu sa ovim pozivom ponuđač je obavezan dostaviti najkasnije do petka 13.03.2026. godine do 13:00 sati, lično ili putem pošte u kancelariju br. 19, koja se nalazi na I spratu zgrade Vanjskotrgovinske/Spoljnotrgovinske komore BiH, u zatvorenoj i zapečaćenoj koverti.

Na prednjoj strani koverta ponuđač je dužan naznačiti „NE OTVARATI – OTVARA KOMISIJA“. Ponudu dostaviti na adresu:

**VANJSKOTRGOVINSKA/SPOLJNOTRGOVINSKA KOMORA
BOSNE I HERCEGOVINE
Branislava Đurđeva 10
71000 Sarajevo**

Na poleđini koverta ponuđač je dužan naglasiti: predmet ponude, tačan naziv i adresu ponuđača i kontakt broj telefona.

Ponude dostavljene poslije navedenog roka, kao i ponude koje ne budu dostavljene na opisani način, neće biti razmatrane i biće vraćene neotvorene ponuđaču. Vanjskotrgovinska/Spoljnotrgovinska komora Bosne i Hercegovine neće vraćati ponuđaču ponudu koja nije prihvaćena u razmatranju komisije nakon otvaranja ponude. Vaša odgovornost je da osigurate da Vaša ponuda stigne na navedenu adresu do navedenog roka.

Nepotpune i zakašnjele ponude se neće uzeti u razmatranje kao ni ponude ponuđača koji ne izmiruje zakonsku obavezu plaćanja članarine VTK/STK BiH.

Važna napomena 1.: Ponuđači koji dostave svoju ponudu do naznačenog roka i na opisan način, dobiće obavijest putem e-maila o terminu i mjestu prezentacije svojih idejnih rješenja pred članovima Komisije, oformljene od strane VTKBiH/STKBiH. Trajanje prezentacije idejnih rješenja ponuda pred članovima Komisije, potrebno ograničiti na maksimalno dvadeset minuta.

Važna napomena 2.: Molimo ponuđače da posvete posebnu pažnju idejnom i dizajnerskom rješenju štanda.

3. TROŠKOVI PONUDE

Vanjskotrgovinska/Spoljnotrgovinska komora Bosne i Hercegovine ne snosi nikakve troškove ponuđača u postupku nadmetanja, te zadržava pravo prihvatiti ili odbiti u potpunosti ili djelimično svaku ponudu, poništiti nadmetanje ili odbiti sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti ima obavezu pojasniti razloge takve odluke.

4. VREDNOVANJE PONUDA

Vrednovanje ponuda će se izvršiti u skladu sa Procedurom nabavke proizvoda i usluga

5. OSTALE ODREDBE

O izboru ponuđača učesnici će biti informirani nakon što nadležni organ VTK/STK BiH donese odluku o izboru napovoljnijeg ponuđača.



Prilog:

- Plan hale i skica prostora štanda.